

**Իշեմիկ և հեմորագիկ ինսուլտների տարբերակիչ  
ախտորոշման միջոցը**

Երևանի պետական բժշկական ինստիտուտ

Հայտնագործությունը պատկանում է բժշկության ոլորտին, մասնավորապես՝ նյարդաբանությանը, և կարող է կիրառվել իշեմիկ և հեմորագիկ ինսուլտի տարբերակիչ ախտորոշման համար: Հայտնի է իշեմիկ և հեմորագիկ ինսուլտի տարբերակիչ ախտորոշումը արյան ձևավոր տարրերի ուսումնասիրության միջոցով: Սակայն հայտնի եղանակը չի ապահովում ճշգրիտ ախտորոշում: Հայտնագործման նպատակն է ավելացնել ախտորոշման ճշգրտությունը:

Նշված նպատակը հասանելի է դառնում նրա շնորհիվ, որ ըստ իշեմիկ և հեմորագիկ ինսուլտի տարբերակիչ ախտորոշման ուսումնասիրվում է էրիտրոցիտների՝ 1-անիլինոնաֆթալին-8-սուլֆանատ անիոնային ներկանյութը կուտակելու ունակությունը, և ըստ կուտակման կոնստանտների մեծության, որոնք 30-40°C ջերմության պայմաններում հավասար են 0,08; 0,09 և 0,28 համապատասխանաբար, ախտորոշում են հեմորագիկ ինսուլտ, իսկ համապատասխանաբար 0,02; 0,03 և 0,04 կոնստանտների մեծության դեպքում ախտորոշում են իշեմիկ ինսուլտ:

